

TE HOFUURAA API

I neia i te piha neneiraa na te Ekalesia a Iesu Mesia i te Fōia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 7.

Tiurai 1927.

Mat. 21.

*Aita a te Fatu ra a Iehova e peu i rave, maori râ ia faa-
ite i ta'na parau i moe i tana ra mau tavini i te mau pero-
pheta. (Amosa 3:7)*

Te Atua Itehia

[A'U HOI i hahae noa iho nei e te hió-noa-raa'tu i ta
outou e haamori nei, ite atura vau i te hoé fata e te pa-
rau papaihia i nia iho, NA TE ATUA ITEA ORE. O ta outou hoi
e haamori noa nei ma te ite ore ia'na, oia ta'u e parau atu
ia outou nei. (Ohipa 17:23)]

Eaha te huru o to te ao nei? Aita anei te hoé pae na
ratou i haamori i te Atua itea ore? I teie mau mahana
hopea nei, e rave rahi te mau taata mai te mau taata i faa-
itehia i roto i teie irava i nia nei; aita ratou i ite i te huru
o te Atua mau. E rave rahi hoi te huru o te faaroo i nia
iho i te ao nei i teie mau mahana. **Te haamori nei te pae**
rahi o te taata i te Atua varua anaé; e **Atua aroha e** te ite
e te mana e te parau mau e te ora muri ore. Aita râ ratou
i faaroo e taata mau oia ma te tino mai i to tatou te huru.
Aita teie mau taata i haapao i te mau parau i papaihia i
roto i te Genese 1:27.

Te vai atoa nei te tahi pae o tei haamori i te idolo. Ua

hamani ratou i te idolo o Iesu e te tahi mau peropheta tahito. To te tahi faaroo i hamani i te idolo o te puaa, te iá e aore râ te tahi maa. Aita teie huru taata i haapao i te parau i roto i te Exodo 20:34.

Te vai atoa nei i roto i te ao te mau taata o tei haamori i ta ratou mau faufaa. Hoé noa iho hinaaro to ratou, oia hoi, i te haaputuputu mai i te moni e te taoá. Te imi nei ratou i te mau ravea'toa ia roaa ia ratou te faufaa o teie nei ao. E rave ratou i te ohipa eiá e te haavare, e te mau ravea'toa ia faatupu i to ratou hinaaro. (A taió i te Mareko 10:23-25)

Te vai atoa nei te tahi pae o to te ao nei o tei parau e, aita ia e torutahi, aita ia e Atua e aita hoi te hoé mea e faatere i teie nei ao.

Ua na ô maira Iesu i roto i te Ioane 17:3: "Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tonono mai."

I mutaa ihora ua faaite mai te Atua i to'na mau hinaaro e to'na mau opuaraa i te mau peropheta tahito. Ua haamaramaramahia te mau taata i te heheuraa e ua tae atoa te Atua iho i mua ia ratou. Na roto i to ratou faaroo e to ratou haapaoraa ua faatia te Atua ia farerei ratou ia'na e ua farii ratou i ta'na mau faanuraa e ta'na mau haapiiraa. Na mua i te mau ati e te mau ohipa a te Fatu ua faaitehia mai ia i to'na mau peropheta. Na mua i te diluvia ra i tonohia mai ai Noa ia faaite atu i te ohipa a te Atua i te mau taata. Na mua i te faamouaraa o Sodoma e Gomora ua tonohia mai te melahia te Atua ia faaite mai i te reira i te mau taata o te ao nei. Aita te Atua i rave i te hoé faautuaraa maori râ, ua faaite na oia i te reira i te taata, e no reira i ite papu ai ratou i te Atua mau.

I muri aé ua haamata ratou i te rave i te mau ohipa faufau. Ua taparahihia te mau peropheta, te mau aposetolo, e te mau tavini a te Fatu e ua moe atura te Atua i te mau taata o te ao nei.

Te na ô maira te hoé tohuraa o te peropheta Amosa e, "Inaha te na ô maira te Fatu ra o Iehova, te fatata maira te tau e hopoi atu ai au i te oé i nia i te fenua, e ere râ i te oé mxa ore, e te hiaai i te pape, i te faaroo râ i te parau a Iehova: e horo hoi te taata i te tahi miti e i te tahi miti; e mai te apatoerau e tae roa'tu i te hitia o te râ i te hororaa e te hoíraa mai, i te imiraa i te parau a Iehova, e ore roa râ e itea." (Amosa 8:11,12) I muri mai i te taparahiraahia o Iesu e te mau Aposetolo, ua tupu tana tohuraa nei. Aita te Atua i faaite mai i to'na manaó e ta'na parau i te taata i roto i te ao nei, e no reira ua faatia ratou i te tahi mau haapaoraa êê, e ua moe roa te parau a te Atua ia ratou. Area râ, ua tohu-atoa-hia te mau parau no te tae-faahou-raa mai o te mana e te Evanelia a te Atua, "E hoí mai, e te mau tamarii taiva e, te na reira Iehova, mai ta te tane ra haapaoraa ta'u ia haapaoraa ia outou: tataihoé ta'u e rave i te oire hoé, a tataipiti hoi i te opu hoé, a aratai ai au ia outou i Ziona. E horoa'tu vau i te orometua na oaton i tei au i tau aan nei, o tei faaamu ia outou i te ite e te haapao maitai. (Jeremia 3:14,15)

I teie mau mahana hopea nei ua tupu teie mau mea i parauhia nei e Ieremia. Ua faaroo faahou to te ao nei i te parau a te Atua. Ua faahoíhia mai te Evanelia a te Atua e ua tae faahou mai te Atua i te taata i nia iho i te ao nei. Ua maiti te Atua ia Iosepha Semita ia faatia i te Ekalesia mau i roto i te ao nei, e ua tupu tana tohuraa nei na roto i te taeraa mai o te Atua raua Iesu i tana taata ra. Na roto i te faatiaraa o te Ekalesia mau i te ao nei i horoahia mai ai te Autahuaraa e te mana ia Iosepha Semita e ua faaite mai te Atua ia'na i to'na mau opuaraa e ta'na mau ohipa, e ua haamaramaramahia Iosepha e ana. I teie nei ua itea faahou te Atua raua ta'na Tamaiti ia Iesu. Ua maitihia te tahi mau aposetolo e te tahi mau orometua mai te parau a Ieremia, ia haapii atu i to te ao nei i te mau ohipa e te mau opuaraa o te Atua, oia hoi, i te "Evanelia o Iesu Mesia".

— Papaihia e, Orovare

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papaihia e Tamate; Faaauhia ei reo Tahiti e Ioane Orotona.

*Te faaroo nei matou e, o taua mau faaueraa ra; * * **
*te toru ra, te baptizoraa ia i raro i te pape ia matara te hara; **

UIRAA 1. Eaha na faufaa rahi e piti to te baptizo? *n*

P. Tera taua na faufaa rahi e piti ra, oia hoi, 1. E matara te hara; 2. E faaôhia te taata i roto i te Ekalesia a te Tamaiti Faanautahi.

Parau Tauturu. Ia faaite papu te taata i to'na faaroo i te Atua, e ia oti hoi to'na tatarahaparaa, ei reira, na ineine oia no te baptizo. Te reira ta te taata raveraa mata-mua, a ô mai ai ratou i roto i te nānā o te Mesia, oia hoi, te baptizo i roto i te pape ia matara te hara, e ia oti, e baptizo-faahou-hia na roto i te taeraa mai o te varua maitai i nia ia ratou.

E mea ohie te ôraa i roto i te Ekalesia. E taeahia hoi te ravea e ô ai e te mau taata'toa; te ona, te veve, e tei paruparu. E mea nehenehe râ te tapao i horoahia mai e te Atua ra. Eaha atu â te tapao nehenehe aê i te reira no te tamâraa i te hara? Ia feruri tatou i nia i taua vahi ra, e e riro ia tatou i te parau e, oia mau ia, e tapao nehene roa ia. Na roto i te baptizo, te fafau atu nei te taata hara i te hoê faufaa i te Atua, oia hoi, e imi noa ratou i te ravea e oti maitai ai ia ratou ta'na mau faaueraa e ta'na mau ture i te haapaohia. "Oia ia, te parau atu nei au ia outou e, a haere mai, eiaha e mataû, e haapae i te mau hara atoa i roohia-ohie-hia'i outou ra, e i ruuruuhia'i outou i te pohe; oia ia, a haere mai outou, faaite atu ai i to outou Atua e, ua hinaaro outou ia tatarahapa i ta outou mau hara, e ia fafau i te hoê faufaa ia'na, ia haapao i ta'na ra mau faau; e ia faaite ia'na i teie nei mahana i te reira na roto i te haereraa i raro i te pape i te baptizoraa." (Alama 7:15)

Uiraa 2. O vai te taata matamua i baptizohia?

P. O Adamu ia te taata matamua i baptizohia.

Parau Tautuau. Ua na ô maira te Atua ia Adamu e, "Mai te mea e faafariu mai oe ia'u nei, e faaroo i ta'u parau e haapao hoi, e tatarahapa i ta oe mau hara'toa; e baptizo ia oe i roto i te pape i roto i te i'oa o Tau Tamaiti Fautahi, o tei i te maitai e te parau mau, Oia o Iesu Mesia, te i'oa anaé i horoahia mai no nia mai i te rai e ora'i te tamarii o te taata nei, e farii ia oe i te Varua Maitai. E te mau mea'toa ta oe e ani i to'na rai'oa, e horoahia mai ia ia oe." (Buka â Mose, i roto i te Buka Poe Taoá Rahi.)

Uiraa 3. O vai te mau taata tei ô i roto i te Ekalesia, e eaha hoi to ratou mau huru a ô mai ai ratou ra?

P. O ratou te faahaehaa ia ratou iho i mua i te Atua, e hinaaro i te baptizo, e haere mai hoi ma te aau haehaa e te varua oto, i te faaiteraa mai i mua i te Ekalesia e, ua tatarahapa mau ratou no ta ratou mau hara'toa e farii i te i'oa o Iesu Mesia i nia iho ia ratou, ma te aautae, mai te opua papu i te tavini ia'na e tae noa'tu i te hopea, e faaite na roto i ta ratou ohipa, ua farii na ratou i te varua o te Mesia e tae noa'tu i te faaore-raa-hia o ta ratou mau hara, e farihia ia ratou i roto i te Ekalesia na roto i te baptizo." (Buka Fafau 20:37)

I roto i teie irava i nia nei, ua faaitehia te mau huru o te taata tei ineine no te baptizo, e te mau ravea hoi e ô ai ratou i roto i te Ekalesia. I roto i teie irava, ua faaitehia mai e toru ture, e ia haapaohia e tia'i. *Ture matamua:* Ia riro te taata ei taata haehaa e tia'i. Mai te mea, te vai nei te aau haehaa e te varua oto, te huru mau ia te reira no te taata tei hinaaro i te baptizo. *Ture piti:* Ia faaite oia i to'na tatarahaparaa i mua i te Ekalesia e tia'i, e aore râ i mua i te hoé peretibutero, e aore na peretibutero. *Ture toru:* Ia faaite oia na roto i ta'na ohipa, ua farii oia i te Varua e tia'i. Eita teie mau ture e oti i te ain i te haapaohia.

Parau Tauturu. Ua aó uána mai o Ioane Bapetizo i te parau no te bapetizo i to'na ra anotan, i to'na faaineine-raa i te eá o te Fatu. Ua haere maira Ioane Bapetizo no roto i te medebara i te parauraa mai i te Parau no te bapetizo, no te faaoreraa i te hara. (Luka 3:3)

Ua ite tatou i te roo o te taata ra o Saulo no Tareso, o tei hamani ino i to te Ekalesia i te matamua ra. Te haere ra oia i Damaseko i te imiraa i te ravea e hamani-ino-faa-hou-hia i te Ekalesia. Ua ati ihora oia i te maramarama rahi, e ua faaitehia mai te hoé tapao ia'na, riro ihora oia ei taata faaroo. Ua ani atura oia i te Atua, na ô atura, "E Tau Fatu, eaha van? Ua parau maira te Atua e, a tiá a haere i Damaseko, ei reira oe e faaitehia mai ai i te mau ohipa'toa i haapaohia na oe e rave ra. E a tae atu ai oia ra, eaha ta Anania i haapii mai ia'na? Ua haapii maira Anania ia'na na ô maira, a tiá ia bapetizohia oe, e horoi ê atu i ta oe mau hara i te tuuraa'tu i te i'oa o te Fatu. (Ohipa 22:1-16) Noa'tu e, ua ite Paulo i te hoé tapao no nia mai i te raí, ia bapetizohia oia e tia'i, ia faaorehia ta'na mau hara.

Uiraa 4. Eaha te tiáraa o te taata tei tiaturi i te bapetizoraa aiu, e eaha ihora hoi to'na hopea?

P. "Inaha, te parau atu nei au ia oe e, o ratou te manaó ia bapetizohia te tamarii rii e tia'i, o tei roto ia i te au avaava e te ruurnuhia hoi ia i te ino ra; aita hoi to'na e faaroo, aita atoa e tia'i, aita atoa e aroha; no reira ia pohe oia a vai ai taua manaó ra i roto ia'na, ia tae oia i raro i hade e tia'i." (Moroni 8:14)

Parau Tauturu. Aita to te Ekalesia e tiaturi nei i te bapetizoraa aiu. Aita e nehenehe ia manaó e, ua hara te aiu, no reira, aita e tia ia matou ia farii i teie tapao no te faaôraa ia ratou i roto i te nănă o te Fatu, no te mea, aita ê â ratou i haere i rapae i taua nănă ra; e ahiri ratou i pohe

hou ratou i rave ai i te hara, e ô iho â ia ratou i roto i te Basileia o te Atua ra. Ua haapii maira Iesu e, ia ore ta'na mau pîpî ia riro mai te tamarîi rii ra; aore roa ia ratou e ô i te Basileia o te ao ra. (Mataio 18:1-6) E teie tamarîi rii tei riro ei hioraa e ei aratairaa no te taata parau tia ra, e au anei ia ia parau e, e hurihia ratou i roto i te mau vahi hohonu o Hade ra. Aita roa ia é, e taata hara anaé hoi ia tei haapii i taua parau hape ra. *out*

Aita roa hoé parau e vai nei i roto i te Bibilia tei haapii ia tatou no nia iho i te bapetizoraa aiu. E pahono mai te tahi pae e, "a taió i te Mataio i te pene 19 e te irava 13, a avau atu ai Iesu i ta'na mau pîpî no to ratou tapearaa i te mau tamarîi ia ore ratou ia haere mai ia'na ra." Te parau mai nei taua parau ra e, uatuu atura oia i to'na na rima i nia ia ratou, e ua haamaitai ihora ia ratou, aita râ i faaitehia mai e, ua bapetizo oia ia ratou.

Ua fariihia te bapetizoraa aiu e te Ekalesia Katolika Roma e 300 matahiti ua muri i te Mesia. E i roto i te mau tau poiri, ua patoi-noa-hia teie oroá. Ua tupu te hoé haapaoraa i te fenua Purutia e 600 matahiti i muri aé i te Mesia, e ua parauhia ratou, "Te Ekalesia Anabapetizo." Ana, teie to'na auraa, oia hoi, faaore. Ua haapii noa ratou i te ino no te bapetizoraa aiu.

Ua tamata te tahi mau orometu haavare i te taati i te i te parau no te bapetizo e te parau no te peritome. Aita hoé parau papai tei faatia i teie taatiraa. Ua riro te peritome ei tapao no te hoé faufaa i vai taman i rotopu i te Atua e Aberahama no te tiamâ o to Aberahama huaai i te haamoriraa idolo o taua tau ra; e ua riro atoa ia ei faaiteraraa i to te Atua fariiraa ia ratou. E ere râ ia te tapao no te faaoreraa i te hara, e ua tia atoa ia i te tamarîi tane anaé, area te bapetizoraa râ, ua tia ia i na pae e piti (Genese 17:1-14) *tamaraa*

Uiraa 5. Na roto i te aha e horoahia mai ai te ora i te taata nei?

P. Tera mai ia te pahonuraa, oia hoi, na roto i to te taata haapaoraa i te mau ture e te mau faaueraa a te eva- *E* nelia e horoahia mai ai te ora i te taata nei, e te baptizoraa ia te hoé ture faufaa roa i roto i te mau ture a te evanelia *E* nei.

Parau Tauturu: Ia imi tatou i te tumu e te faufaa hoi o te baptizo, e ite papu ia tatou e, ia baptizohia te taata e tia'i. Tera ia te faufaa no te baptizo, oia hoi, na roto i te baptizo e faaorehia'i te hara. Ua ite atoa tatou e, aore te taata e ô i te basileia, maori râ, ua faaorehia ta'na mau hara; no reira, ia baptizohia te taata e tia'i.

Ua baptizohia Iesu ia faatiahia te mau parau tia atoa ra. (Mataio 3:15) "E tele nei, e mea tia i te Arenio o te Atua ra, i tei moá, ia baptizohia oia i roto i te pape, ia faatia i te mau parau tia atoa, inaha e mea tia roa'tu â ia tatou, i te feia moá ore, ia baptizohia tatou, oia ia i roto i te pape ra. E ore noa'tu râ te parau tia na'na ra, te faaite maira oia i te mau tamarii a te taata nei e, te faahaehaa ihora oia ia'na iho i ta te pae tino i mua i te Metua ra, i te faaiteraa'tu i te Metua e, e auraro oia ia'na ra, i te haapaoraa i ta'na ra mau faaueraa." (IINephi 31:5,7)

Ua haapii maira Iesu, ia baptizohia te taata atoa nei e tia'i. Feruri tatou i te huru o to Iesu haapiiraa'tu ia Nikodemo, tē hoé tavana no te Ati-Iuda ra. Ua na ô atura Iesu e, "Ia ore te taata ia fanau faahou, e ore oia e ite i te basileia o te Atua ra. (Ioane 3:3) Aita râ Nikodemo i ite i ravea e fanau faahou ai te taata. E no reira, ua haapii maira Iesu ia'na e, na roto i te baptizo e fanau faahou ai te taata. "Ua parau atura Iesu, Amene, amene, e parau atu vau ia oe, Ia ore te taata e fanau i te pape e te Varua, e ore oia e ô i te basileia o te Atua ra." (Ioane 3:5)

Ua bapetizohia Saulo, noa'tu e ua faaroo oia i te reó o te Mesia no te raí mai. E i muri iho ua haapii oia i te parau no te bapetizo. (Ohipa 9:1-18)

Taió atoa i te Buka a Moromona, e tae noa'tu i te Buka Fafau, e ite papu ia tatou e, hoé â haapiiraa i haapiihia e te feia moá tahito, te ati Nephi, e te feia moá no teie mau mahana. Tera hoi ia te haapiiraa, oia hoi, ia bapetizohia te taata e tia'i.

Uiraa 6. Eaha na tumu e toru tei haapapu ia tatou e, hoé noa iho huru bapetizo e au ai, oia hoi te bapetizo utuhi?

P. 1. Te auraa mau no te parau bapetizo. 2. Te reira raveraa anaé tei au no te horoi-ê-raa'tu i te hara. 3. Na roto i te mau parau papai, e te mau parau i heheuhia mai, e ite ai tatou e, te reira te raveraa tiá.

Uiraa 7. Eaha te auraa mau no te parau bapetizo?

P. Tera ia te auraa mau, oia hoi, *faahopu* e aore râ, *faautuhi* i roto i te pape.

Parau Tauturu: Teie parau bapetizo, e ere ia i te parau Tahiti. E parau Heleni râ te reira. Tera hoi, to'na auraa i te parau Heleni, oia hoi, *faahopu* e aore râ *faautuhi* i roto i te pape. Aree râ, ua ite papu tatou e, ia maoro te tau, e *tanihia'i* te auraa no te tahi mau parau. No reira, e mea tia ia hiópoa i te parau i papaihia i tana tau ra, oia hoi, i te tau o Iesu Mesia. E mea rahi te mau buka i papaihia i tana tau ra, e ia taió tatou, e farerei pinepine noa ia tatou i tana parau nei. E te vai noa ra to'na auraa tiá i roto i te reira mau buka, aita hoé vahi i faahuru-ê-hia, oia hoi, *faahopu* e *faautuhi* iho â ia to'na auraa mau.

A farii ai to Heleni i te evanelia, ua taió ratou i te parau bapetizo, e ua ite ihora ratou i te auraa, e no reira, ua haapao ratou, mai te au i to ratou ite i to ratou iho reó, e aita atu e huru bapetizo ta ratou i haapao, maori râ te bapetizo utuhi.

(Tuatihia teie nei parau.)

Te Mau Parau Apî

Ua riro te rê no te haereraa i nia i te reva, i te hoé taata Marite, o Gray to'na i'oa. Ua haere oia i roto i te hoé opupu mataí, i te tufaa fenua Illinois i te fenua Marite, reva'tura fatata i te vaú maile i nia i te reva. (41,000 avaé)

Ua tupu roa te ohipa no te faaapuraa moa i te mau fenua atoa. Tei te tufaa fenua California te hoé fare rahi roa no te haapaoraa i te fanauraa moa, e ua fanau-noa-hia e hoé milioni e vaú hanere tauatani moa fanauá i na hebedoma e toru atoa ra. Ua operehia taua mau moa fanauá ra i te mau vahi atoa i te fenua Marite.

Ua tiahi-ê-hia'tu e piti hanere e pae ahuru tauatani taata no te peho Mississippi i rapae i to ratou mau fare, i te pape rahi no te anavai Mississippi. Te haere noa nei taua vaipue i nia e ua faarue te mau taata i to ratou mau fenua e ta ratou mau faufaa'toa i te imiraa i te ravea e ora 'i ratou. I teie mau mahana râ, te imi nei ratou i te ravea e roaa faahou mai ai ta ratou mau puaatoro e te mau faufaa atoa i vaiihohia i roto i taua vaipue ra.

No te rahiraa o te mau taata i atihia, ua maitihia te tahi mau taata no te hau ia faatere i te ohipa faaora. Ua tauturnhia ratou e te hoé sotaiete tauturu (Red Cross), e na horoahia e hoé ahuru milioni e pae hanere tauatani dara i roto i to ratou rima ei tauturu no taua ohipa faaora ra. Ua manaóhia e te taata faatere, o Sec. Herbert Hoover to'na i'oa, ua pau e toru hanere milioni dara na roto i te mau faufaa i haamouhia i taua vaipue ra. No te rahiraa o te vari e te ravea ore no te haapaoraa i te mau taata, ua tupu te maí púpú i rotopu i te tahi pae no ratou.

Ua iteahia te hoé huru taata maere roa i roto i te oire Glasgow i te fenua ra i Marite. I te 20 no Eperela, ua pohe te hoé taata ereere huru ê roa. I te tahi matahiti i mairi aénei ua haamata to'na iri i te riro ei iri nono, e i te maha- na i pohe ai oia ra, ua riro to'na iri ei iri uauo roa.

Te feruri nei te Hau Marite i nia i te ravea e heruhia'i te tahi tuio pape rahi i te fenua ra i Nicarauga, fatata i te Tuio Panama. No te rahiraa i te mau pahi tei tere i roto i te Tuio Panama, aita ia i navai, e no reira te feruri nei ratou i te ravea e heruhia'i te tahi tuio ei tanturu no te Tuio Panama.

A faaterehia'i te hoé pahi reva i te oire Norfolk i te fenua Marike, ua tae ratou i roto i te hoé vero nira e te patiri rahi roa. Ū ihora te nira i nia iho i taua pahi reva ra, topa'tura oia i raro i te miti i parauhia Chesepeak Bay. Tei roto i taua pahi reva ra e vaú taata e ua pohe roa'tura ratou atoa.

Ua roaa te hoé ia i te anavai pape i parauhia "Rhine" i te fenua Purutia. Tei roto i te opu o taua ia ra te hoé satauro auri i horoahia i te hoé faehau i roto i te tamaí rahi i mairi aénei. Aita teie faehau i itehia no na matahiti e hitu e no reira i manaóhia'i e, ua haaparemo oia ia'na iho i roto i te anavai pape, e ua amu atura te ia i to'na satauro aito.

Ua tamatahia te hoé machine apí i te oire Washington D. C. i te fenua Marite. A tere noa'i te hoé pahi reva e 3, 000 avae i nia i taua oire ra, ua rave te hoé taata toroa no te Hau i ta'na parau ninniu i vai ai i nia i ta'na iri papairaa paraparua atura oia i te taata faatere no taua pahi ra, e ua manuia roa'tura. E riro taua ohipa maitai ra ei tanturu no te mau hau atoa i te faantereraa i ta ratou mau ohipa no te hau.

I te oire ra o Kansas i te fenua Marite, ua faatiahia te hoé hororaa taata, e ua maitihia te fahi mau taata Inidia no taua hororaa ra. Ua riro atura te rê i te hoé Inidia no te fenua Mexico, o Joe Torres to'na i'oa. Ua horo oia mai te oire Kansas City e tae-roa'tu i te oire ra o Lawrence, e pae ahuru e ma hoé maile i te atea.

I te oire ra o Pheonex, i te tufaa fenua ra i Arizona, ua horo te hoé taata Inidia, o Orabi Zuni to'na i'oa, e piti ahuru e ma ono maile i te taimē poto ra e piti hora e maha ahuru e ma maha minuti.



TE HAKA (ORIRAA) NO TE TAATA MAORI
I NIU ZILANI

Alma G. Burton Imprimeur,
Rue Brea et de la rue Dumont d'Urville, Orovini, Papeete